



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 37. Omnes Apuliæ ditiones ab Hispanis recuperatæ.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

§. XXXVII.

Sæcul. XVI.
A.C. 1509.*Omnes Apuliæ ditiones ab Hispanis recuperatæ.*

Interea Pro-Rex Neapolitanus, quamvis Marian. ib. n. 83.
 animo tardus, rebusque gerendis mi-
 nus idoneus, nihilominus exeunte Men- Pet. Justin. l. 10.
 se Majo copias, quas contraxerat, in A- Raynald. hoc ann. n. 16.
 puliam eduxit, ut urbes a Venetis viola-
 ta foederum fide detentas recuperaret.
 Ergo præprimis Tranium obsidet, quam
 urbem nonnullorum civium, quibuscum
 clandestina fovebat consilia, ope fretus,
 se brevi expugnaturum sperabat. Ve-
 rum Veneti sinistro hoc, eoque communi
 rerum suarum fato adeo concutiebantur,
 ut ipsimet ultronea cessione cunctos ho-
 stium suorum insultus præverterent;
 quippe continentis ditiones se tueri pos-
 se desperantes, regionem illam etsi opu-
 lentissimam, utpote omni ex parte Hispa-
 nis perviam relinquere statuerunt, dato
 singulis Ministris mandato, ut cunctis
 urbibus libertatem redderent, iisque re-
 mitterent fidei sacramentum in foro S.
 Marci præstitum; clam vero, disertisque
 verbis Respublica Brundusii Hydrunti,
 Tranii, Molæ, Puliniani, & Monopo-
 lis Gubernatoribus præcepit, ut Hispa-
 nis minime sese opponerent, sed hasce
 urbes eisdem traderent: ad tantas nimi-
 rum

Sæcul. XVI. rum angustias Venetorum res decreve-
A.C. 1509. rant, ut nonnisi sinus sui Insulas defen-
 dere amplius possent.

§. XXXVIII.

Maximiliani Imperatoris exercitus in Italia.

*Ciacon. in
 Jul. II.
 tom. 3. p. 224
 Raynald. ad
 an. 1509. n. 2.*

Denique etiam Imperator non nisi septem leucis ab Oeniponto distans ad Alpium fauces cum exercitu suo jam ineunte Mense Junio penetravit, Venetos ex Tirolis finibus aggressurus. Præerant ejus copiis Christophorus Francipanus & Brunsvicensis Dux, qui exigua militum manu in Histriam excurrentes, Tergestum citra pugnæ discrimen occupant, omnesque Fori Julii urbes, quas in nupera contra Venetos expeditione Cæsar amiserat, recuperant. Nec tamen Respublica fatali malorum concursu animum despondit, sed comperto, quod Cæsar Esteranem adventasset, mox ad sedandum ejus animum legationem decrevit, quæ pacem ab illo exoraret conditionibus illius arbitrio penitus relictis. Pari submissione summum Pontificem, & Ferdinandum Arragoniæ Regem placare satagebant: ad Imperatorem porro ablegabant Antonium Justinianum, dato negotio, ut eidem subscriptis omnium Senatorum nominibus chartam vacuum offerret,

*Marian.
 l. 29. n. 83.*